

TOSHKENT HAQIQATI

1928 yil 11 dekabrda asos solingan

2022-yil
19-mart
SHANBA
№ 20-21 (13477-78)

@haqiqatonline

ХАЛҚИМИЗ САЛОМАТЛИГИ ҲАММА НАРСАДАН УСТУН ВА ҚАДРЛИ

Ўзбекистон Республикаси Президенти Шавкат Мирзиёев 18 март куни тиббиёт ходимлари билан очиқ мулоқот ўтказди.



Саломатлик – инсоннинг бирламчи эҳтиёжи, истаги. Шу боис давлатимиз раҳбари бу масалага алоҳида эътибор қаратиб, соҳани изчил ривожлантириб келмоқда. Президентимиз ҳудудларга сафари чоғида ҳам ҳар доим тиббиёт масканларига боради, шифокорлар билан суҳбатлашиб, аҳоли саломатлигини сўрайди.

Лекин, бундай шаклдаги катта учрашув илк бор ўтказилмоқда. "Тиббиётдаги ислохотлар – инсон қадрли учун" мавзусидаги очиқ мулоқотда анжуманлар саройида мингдан ортиқ, ҳудудлардаги студияларда 20 мингга яқин тиббиёт ходимлари, аҳоли вакиллари иштирок этди.

Давлатимиз раҳбари сўзининг бошида тиббиёт соҳасининг жонқуяр вакиллари билан Наврўз байрами арафасида кўришганидан мамнунлигини билдирди.

Бу тадбирга узоқ тайёргарлик кўрилиб, ҳам шифокорлар, ҳам беморларнинг фикрлари сўралган эди. Жами 25 мингдан зиёд мурожаатлар қабул қилинди. Уларнинг 8 мингдан кўпи шахсий бўлиб, жойида ҳал этилмоқда. 17 минггаси эса тизимга оид масалалардир.

Давлатимиз раҳбари ўз нутқида уларни умумлаштириб, 7 та муҳим йўналишни кўрсатиб ўтди. Биринчи йўналиш – бирламчи тиббий хизматларни аҳолига яқинлаштириш, иккинчиси – тез

тиббий ёрдамни ривожлантириш, учинчиси – тиббиёт муассасаларининг шароитини яхшилаш, тўртинчиси – соҳа ходимларини моддий рағбатлантириш, бешинчиси – шифохоналарни малакали кадрлар билан таъминлаш, олтинчиси – жамиятда соғлом турмуш маданиятини ошириш, еттинчиси – касалликларнинг олдини олишга қаратилган.

Президент бу йўналишларнинг ҳар бирига алоҳида тўхталиб, янги ташаббусларни илгари сурди. Масалан, мурожаатларнинг 55 фоизи бирламчи тиббиёт муассасалари ҳақида бўлган. Шу боис, жойларда поликлиникалар тармоғи янада кенгайтирилиши таъкидланди.

Хусусан, 2 мингдан зиёд олис маҳаллаларда тиббиёт пунктлари ташкил этилади. "Қишлоқ шифокори" дастури янада тақомиллаштирилиб, чекка ҳудудларда фаолият олиб бораётган шифокорларнинг ойлик иш ҳақиға 2 миллион сўмдан қўшимча устама тўланади, уй-жой сотиб олишига кўмаклашилади. Бундай жойларда узлуксиз уч йил ишлаган шифокор клиник ординатурага имтиҳонсиз қабул қилинади. Нафақага чиққан тажрибали шифокорларга ўз уйида ёки ижара бинада даволашига рухсат берилди.

(Давоми 2-саҳифада)



Ассалом, Наврўз –
янгилашни,
меҳр-оқибат ва
қадр-қиммат
айёми!

Шукуҳ

ДИЛЛАРНИ МУНАВВАР АЙЛАГАН АЙЁМ

Бекобод шаҳрининг "Ёшлар боғи"да ташкил этилган Наврўз сайли барчага бир олам қувонч улашди.

Ашула ва рақс халқ ансамблилари, фольклор-этнографик ва турли бадий жамоалар, таниқли эстрада хонандалари ижросидаги куй-қўшиқлар, ўлану лапарлар, аския ва рақслар барчада катта таассурот қолдирди. Дошқозонларда пиширилган сумалак, ташкил этилган турли кўргазмалар

иштирокчиларга ҳушнудлик улашди. Момоларнинг чилдирма жарангига мос лапарларига келинлардан тортиб, жамалакоч қизларгача рақсга тушди. Наврўз сайиллари вилоятимизнинг туман ва шаҳарлари бўйлаб давом этмоқда.



Қибрай туманининг Марказий ўйингоҳида Наврўз байрамга бағишланган сайил бўлди.

Сайилда халқимизнинг тарихи, маданияти, урф-одат ва анъаналарини акс эттирган турфа айвонлар, устаю хунармандлар, ганчкорлар, каштадўзу чеварлар томонидан яратилган миллий либосларимиз, халқ чолгу асбоблари, миллий буюмлар кўргазмаси ташкил этилди.

Туман ҳоқими М. Мирқасимов сайилга келган меҳмонлар, нуроний отахон ва онахонлар, маҳалла фаоллари ва ёшларни байрам билан қутлади.

Санъат усталари ва ижроачи ёшлар иштирокидаги байрам дастурлари сайилга ўзгача байрам бағишлади.



Эшитмадим, деманглар!

Тошкент вилояти маркази – НУРАФШОН барчани катта Наврўз сайлига чорлайди!



Азиз юртдошлар!
Қадрли вилоятимиз аҳли ва меҳмонларини!

Юртимиз бўйлаб яшариш ва янгилашни, тинчлик ва эзулик, меҳр-оқибат ва саховат айёми – Наврўзи олам шукуҳи кезмоқда. Ҳар йили халқимизнинг асл миллий байрами бўлган Наврўз сайлига катта тайёргарлик кўриш анъанага айланган. Бироқ, бу йилги айём тантаналари ҳар қачонгидан ҳам ўзгача, ҳай-

рат ва таассуротларга тўла эзотик томошалар, кўнгилочлар дастурларга бой бўлиши кутилмоқда.

Тошкент вилояти ҳокимлиги ташаббуси билан ташкил этилаётган умумхалқ сайли 20-21 март кунлари вилоятнинг бош кенти – Нурафшон шаҳридаги марказий "Тошкент йўли" кўчаси бўйлаб эртадан кечга қадр давом этади.

Байрам ташкилий кўмитасидан маълум қилишларича, "Тошкент йўли" кўчасининг 3 километрик марказий қисмида вақтинча ҳаракат тўхтатилиб, вилоятнинг ҳар бир туман ва шаҳрига атаб, шунингдек, кўча бўйлаб жойлашган вилоят бошқарма ва ташкилотлари қаторлари оралаб муаззам саҳналар жойлаштирилади.

Дошқозонларда кўкларнинг тансиқ таомлари – сумалак, ҳалим қатори вилоятимизнинг азалий пазандалик анъаналарини намоён этувчи асл миллий таомларимиз тайёрланади. Уларнинг ҳар биридан сайил иштирокчилари тотиб кўришлари ва ҳудудларимизнинг азалий пазандалик ва меҳмоннавозлик қадриятларига баҳо беришлари мумкин.

Сайил дастуридан вилоятнинг донгдор ва ҳаваскор хунармандлари, қўли гул мусаввирлари, соҳиби маҳорат бўлган уста ва устазодаларининг қўл меҳнати билан яралган буюм ва асарлар, ижод намуналари кўргазма-савдоларини ташкил этиш ҳам режалаштирилган.

Миллий ўйинлар, спорт мусобақалари, умидли спортчиларимизнинг моҳирона

чиқишлари, миллий либослар, урф-одатлар, осориатқаларимизни ўзида мужасам этган бадий-эстетик дастурлар, кўп миллатли вилоятимизда фаолият юритаётган миллий-маданий марказлар жамоаларининг чиқишлари барчага завқ ва шавқ бағишлайди.

Қадрли дўстлар!

Албатта, Наврўз дилрабо куй-қўшиқлар, дилтортар рақсу нигорларсиз ўтмайди. Шу кўни вилоятимиз фольклор-этнографик ансамблилари, баҳши-оқинлар айтишувлари, ўлану лапарлар, ўтли мушоираларга бевосита гувоҳ бўласиз. Албатта, Сиз севган, эли-

миз ардоғидаги машҳур санъаткорлар, миллий мақом усталари ва эстрада юлдузлари ҳам хизматда бўлишади.

Дарвоқе, "Янги Ўзбекистонда – янги овозлар" вилоят кўрик-танлови эълон қилингандан хабарингиз бор. Мазкур танлов ғолиблари айнан сайил кунлари эълон қилиниб, уларга вилоят ҳокимининг махсус соврини – пул мукофотлари топширилади.

Булар ҳали ҳаммаси эмас! Минг марта эшитгандан, бир бора кўрган афзал, дейдилар. Вилоятнинг асосий тантаналари муҳассам бўлган катта Наврўз сайли Сизларга мунтазир!

КЕЛИНГ, КЎРИНГ, ЗАВҚЛАНИНГ!

**Зотан, ҳазрат Навоий бобомиз лутф қилганларидек,
ҳар тунимиз Қадр, ҳар кунимиз Наврўз бўлсин!
Барчангизни байрамда кутиб қоламиз!**


**ТОШКЕНТ ВИЛОЯТИ
УЙ-ЖОЙ КОММУНАЛ ХИЗМАТ
КЎРСАТИШ БОШҚАРМАСИ
жамоаси юртимиз аҳолисини**

Наврўз айёми

*билан муборакбод этиб, хонадонларига қут-баракка,
оилаларига хотиржамлик тилайди!*



ТОШКЕНТ ВИЛОЯТИ УЙ-ЖОЙ
КОММУНАЛ ХИЗМАТ
КЎРСАТИШ БОШҚАРМАСИ



Юртимиз тинч, осмонимиз мусаффо бўлсин!

Ҳаётингиз қувончу шодликларга тўлсин, азизлар!

ТОШКЕНТ ВИЛОЯТИ



ЧИРЧИҚ ДАВЛАТ

ПЕДАГОГИКА ИНСТИТУТИ

**жамоаси юртдошларимизни
нафосат ва гўзаллик айёми –**

Наврўзи олам

**билан
қутлайди**



*Эзгу тилаклар, яшариш ва янгиланиш тантанаси
бўлмиш бу айём барчамизга муборак бўлсин!*

Ислом Каримов номидаги

**Тошкент давлат техника
университети
Олмалиқ филиали
жамоаси**

**халқимизни миллий
қадриятларимизни
муҳассам этган**

Наврўз байрами

билан табриклайди!

**Баҳорий кайфият,
эртанги кунга ишонч ва
эзгу ниятлар доимий
ҳамроҳингиз бўлсин,
азизлар!**



TDTU
OLMALIQ FILIALI

